



1289

039

Bosnia and Herzegovina
Federation of Bosnia and Herzegovina

CANTON SARAJEVO
**Ministry of Physical Planning Construction and
Environmental Protection**

Broj: 05-05-8345-80/19 RA
Sarajevo, 29.04.2019. godine

SKUPŠTINA KANTONA SARAJEVO

- o v d j e -

n/r Elmedin Konaković, predsjedavajući

PREDMET: Dostava odgovora na zastupničku inicijativu – zastupnik Vedran Jakupović

Zastupnik u Skupštini Kantona Sarajevo, Vedran Jakupović, na Šestoj Radnoj sjednici Skupštine Kantona Sarajevo, održanoj dana 26.03.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenuo je zastupničku inicijativu (zaprimljena u Ministarstvu 05.04.2019. godine), kako slijedi:

"Podnosim inicijativu za pošumljavanje područja Kosmatice, Velike i Male Čoline kape, te rekonstrukciju i konzerviranje linija odbrane Sarajeva u rejonu Čoline kape.

Obrazloženje:

Obzirom da je rejon Trebevića zaštićeni pejzaž, a tokom agresije na BiH posjećen je šumski fond u velikim količinama došlo je do pojave klizišta u području ispod Čoline kape. Pošumljavanjem ovog dijela Trebevića došlo bi do stabilizacije terena i vraćanja prijeratnog izgleda i funkcije pluća grada Sarajeva. Tokom agresije na ovom području formirane su prve linije odbrane rada koje su i danas vidljive, potrebno ih je rekonstruisati i konzervirati te tako dati izgled koji bi odgovarao muzeju na otvorenom i jednoj dodatnoj turističkoj atrakciji u području Trebevića, a i svjedoku vremena i spomeniku borbe za grad Sarajevo"

ODGOVOR:

Odmah po zaprimanju akta Skupštine Kantona Sarajevo, a u funkciji pripreme odgovora na podnesenu inicijativu, dana 09.04.2019. godine Ministarstvo prostornog uređenja, građenja i zaštite okoliša zatražilo je od Kantonalne javne ustanove za zaštićena prirodna područja i Kantonalnog zavoda za zaštitu kulturno - historijskog i prirodnog naslijeđa Sarajevo izjašnjenje na istu, a u kontekstu važeće regulative koja se primjenjuje na Zaštićeni pejzaž "Trebević". Izjašnjenje je zatraženo imajući u vidu, da Ustanova upravlja ZP "Trebević" i obavlja djelatnost koje su definisane aktom o njenom osnivanju, dok je Zavod formalni predlagač zaštite pomenutog područja.

Na osnovu izjašnjenja Ustanove i Zavoda (koja dostavljamo u prilogu), predmetna inicijativa se može prihvatiti u dijelu koji se odnosi na pošumljavanje područja Velike Čoline kape i Kosmatice, budući da se pomenuti lokaliteti nalaze u zonama zaštite u kojima je dozvoljena sadnja



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



autohtonih vrsta drveća i bilja, te uvažavajući činjenicu da Kantonalna javna ustanova za zaštićena prirodna područja planira ove aktivnosti realizovati u drugoj polovini tekuće godine. Svakako da realizaciji aktivnosti prethodi detaljan terenski obilazak lokacija i priprema projekta pošumljavanja i samog terena za ovu vrstu zahvata u zaštićenom prirodnom području.

Što se tiče drugog dijela inicijative ističemo, da je Vatrene linija opsade grada evidentirana kao kulturno - historijska vrijednost u Stručnom obrazloženju za proglašenje ZP "Trebević" (koje predstavlja stručnu podlogu za donošenja propisa o zaštiti), kao i u Planu upravljanja ovim područjem ("Službene novine Kantona Sarajevo", broj 23/17), u kojem je s ciljem bolje promocije čitavog prostora Trebevića predloženo obilježavanje različitih manifestacija, među kojima i one vezane za Vatrene linije.

Međutim, kako bi se stekli uslovi za realizaciju pomenute aktivnosti, kao i mjera iz separata zaštite kulturno - historijskog i prirodnog naslijeđa područja ZP "Trebević", potrebno je prethodno ovo pitanje detaljno definisati (u smislu utvrđivanja tačnog obuhvata, dopuštenih zahvata i dr.) kroz Prostorni plan područja posebnog obilježja ZP "Trebević", čija je izrada u toku, a koji donosi Skupština Kantona Sarajavo.

S poštovanjem,

Prilog:

- Odgovor Kantonalnog zavoda za zaštitu kulturno - historijskog i prirodnog naslijeđa Sarajevo broj: Z-06 Z-07-Z-08-663/19 od 17.04.2019. godine
- Odgovor Kantonalne javne ustanove za zaštićena prirodna područja broj: 05-315-1/19 od 18.04.2019. godine



MINISTAR

Damir Filipović, MA prava

Dostaviti:

- Naslov
- ⊖ Vlada Kantona Sarajevo, ovdje (na znanje)
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1





221 2078
3282

BOSNA I HERCEGOVINA
FEDERACIJA BOSNE I HERCEGOVINE
Ministarstvo prostornog uređenja,
građenja i zaštite okoliša
Reisa Džemaludina Čauševića 1
Sarajevo, 71 000

Broj: Z-06 Z-07- Z-08- 663/19
Datum: 17.04.2019.godine

KANTON SARAJEVO
19-04-2019
OS OS 18345-80

Predmet: Odgovor na izjašnjenje
Veza vaš akt broj 05-05-8345-80/19 RA od 09.04.2019.godine

Ministarstvo prostornog uređenja, građenja i zaštite okoliša obratilo se Zavodu sa zahtjevom za izjašnjenje vezano za pošumljavanje lokaliteta Kosmatice, Velike i Male Čoline kape, a po inicijativi skupštinskog zastupnika Vedrana Jakupovića.

Zavod za zaštitu kulturno-historijskog i prirodnog naslijeđa Sarajevo konstatuje slijedeće:

Lokaliteti Velika Čolina kapa i Kosmatice se protežu kroz II i III zaštićenu zonu unutar prostornog obuhvata Zaštićenog pejzaža "Trebević". Zakonom o proglašenju Zaštićenog pejzaža "Trebević" donesene su mjere zaštite odnosno dopuštene i nedopuštene aktivnosti, a Planom upravljanja koji je donesen 2017. godine (Službene novine Kantona Sarajevo broj: 23/17) definisan je način održivog upravljanja ovim zaštićenim područjem.


Donesenim Planom upravljanja kroz Tačku 5.3 Posebne mjere zaštite za Zonu 2 - zona aktivnog upravljanja staništima, definisano je između ostalog da je dozvoljena sadnja autohtonih vrsta drveća i bilja. Sadju isključivo treba vršiti KJUzZPPKS sama ili u saradnji sa drugim organizacijama.

Mala Čolina kapa, se nalazi izvan obuhvata područja ZP "Trebević". Radi se o blago zaobljenom brdu koje dominira u prostornom obuhvatu RP "Jarčedoli" za koje je Zavod dao mjere zaštite kroz Elaborat zaštite kulturno-historijskog i prirodnog naslijeđa za gore navedeni RP. Obzirom da je ovaj lokalitet u periodu agresije 1992-1995.godina od posljedica deforestacije i granatiranja potpuno ogoljen predložene su mjere pošumljavanja sa vrstom (*Pinus nigra*- crni bor) koja je egzistirala do 1992.godine.

Kroz separat zaštite kulturno-historijskog i prirodnog naslijeđa područja ZP "Trebević", rađenog za potrebe izrade prostornog plana posebnog područja prirodnog naslijeđa ZP "Trebević" date su mjere i za ovaj segment historijskog naslijeđa, a koje podrazumijevaju:

- Izvršiti istraživačke radove kako bi se utvrdilo stvarno stanje i očuvanost materijalnih artefakata (rovova i nekadašnjih artiljerijskih tačaka) unutar obuhvata, te na osnovu valorizacije izvršiti odabir vatrenih tačaka za konzervaciju.
- Radove konzervacije vatrenih tačaka vršiti uz nadzor nadležne službe zaštite kulturno-historijskog naslijeđa.

S poštovanjem.


Nervin Dacic, Dipl.ing.arh.

Dostaviti:

- Naslovu
- Arhivi



2693
3333
04

Broj : 05-345-1/19

Datum : 18.04.2019. godina

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

Ministarstvo prostornog uređenja,
građenja i zaštite okoliša

Reisa Džemaludina Čauševića 1
Sarajevo, 71 000

BRNO: 19-04-2019

05 05 8345-80

Predmet: Odgovor na izjašnjenje

Veza vaš akt broj 05-05-8345-80/19 RA od 15.04.2019.godine

Poštovani,

Ministarstvo prostornog uređenja, građenja i zaštite okoliša obratilo se Javnoj ustanovi sa zahtjevom za izjašnjenje vezano za pošumljavanje lokaliteta Kosmatice, Velike i Male Čoline kape, a po inicijativi skupštinskog zastupnika Vedrana Jakupovića.

Uvidom u dokumente (Zakon o proglašenju područja zaštićenim i Planom upravljanja) Kantonalna javna ustanova za zaštićena prirodna područja konstatuje slijedeće:

Lokaliteti Velika Čolina kapa i Kosmatica se nalaze u II i III zoni zaštite unutar prostornog obuhvata Zaštićenog pejzaža "Trebević", gdje dozvoljena sadnja autohtonim vrstama.

Da bi se realizovala predložena inicijativa skupštinskog zastupnika potrebno je izvršiti detaljan obilazak navedenih lokaliteta i izraditi projekat pošumljavanja i pripreme terena za pošumljavanje. U jesenjem periodu planiramo realizaciju pošumljavanja.

Srdačan pozdrav.



mr. sci. Osman Delić

Dostaviti:

Naslovu,

Arhivi JU.